

Sarajevo, 21.08.2023.godine

Klub SDP-a u Skupštini Kantona Sarajevo
Zastupnik Davor Čičić

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlada Kantona Sarajevo
n/r Ministarstvo privrede Kantona Sarajevo
n/r KJP „Veterinarska stanica“ d.o.o. Sarajevo

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) postavljam zastupnička pitanja , dostavljam:

ZASTUPNIČKA PITANJA

Prema **Ministarstvu privrede Kantona Sarajevo i KJP „Veterinarska stanica“ d.o.o. Sarajevo**

1. Na dnevnom redu 8. radne sjednice Skupštine KS nalazi se izvještaj o radu KJP „Veterinarska stanica“ za 2020.godinu. Prema posljednjim materijalima koji su dostavljeni zastupnicima nalazi i se i revizorski izvještaj o radu preduzeća za 2020. godinu revizorske kuće Zuko d.o.o. Sarajevo koje je iskazalo svoje mišljenje sa rezervom što izražava sumnju da dijelovi finansijski izvještaja nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.6.2023. konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane?
2. Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP „Veterinarska stanica“ d.o.o. Sarajevo da ispoštuje navedene preporuke iz revizorskog izvještaja?
3. Na osnovu koje odluke i kojeg organa je KJP „Veterinarska stanica“ d.o.o. Sarajevo umanjila poziciju i iznos osnovnog kapitala za 1.028.278 KM u 2020.godini i da li je ta pozicija u narednim godinama zaključno sa 30.6.2023. izmijenjena i na osnovu kojih odluka?
4. Koji su konkretno resursi potrebni i koja je konkretna pomoć potrebna od strane Skupštine KS, Vlade KS i Ministarstva privrede KS da bi KJP „Sarajevo-šume“ ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivan

način prikazao stanje u preduzeću, a kako bi osnivač imao puno informaciju o radu i stanja u preduzeću koje upravljom značajnom imovinom građana Kantona Sarajevo?

OBRAZLOŽENJE

Na 8. radnoj sjednici Skupštine Kantona Sarajevo nalazi se tačka izvještaj o radu preduzeća KJP „Veterinarska stanica“ d.o.o. za 2020.godinu zajedno sa izvještajem i mišljenjem nezavisne revizorske kuće Zuko d.o.o. Sarajevo. Navedeno mišljenje je bilo iskazano sa rezervom zbog nekoliko pozicija i poslovnih događaja koji oni smatraju za osnovu za mišljenje sa rezervom, posebno potencirajući bilješku broj 15. revizorskog izvještaja gdje se problematizira preknjižavanje pozicije osnovnog kapitala društva bez prezentiranih odluka organa skupštine društva. Pored toga u bilješkama navode da je poslovni rezultat preduzeća precijenjen za 72.024 KM usljed pogrešnog knjiženja određenih pozicija prihoda čime stavljaju sumnju u fer i objektivan prikaz poslovnog rezultata.

U skladu sa tim postavljam zastupnička pitanja koja su navedena u gornjem tekstu.

S poštovanjem,

Davor Čičić

**Predsjednik kluba Zastupnika SDP
BiH u Skupštini Kantona Sarajevo**